



KOMUNIKADU IMPRENSA

VMAP Ho Centro Chega! I.P Entrega Ona UMbE Ba Sobrevivente Irenie Iha Suku Kairui Postu Laleia.

Manatuto – (19 Setembru 2025), Vise Ministru ba Asuntu Parlamentar (VMAP) Adérito Hugo da Costa hamutuk ho Sekretariu Estadu Komunikaun Sosial (SEKomS), Expedito Dias Ximenes, Diretór Ezekutivu Centro Nacional Chega! I.P, Hugo Maria Fernandes, Autoridade Munisipiu Manatuto no mos Asosiasaun Vitima Konfliktu Politiku 1974-1999 (AVKP) entrega ona Uma Memória ba Esperansa (UMbE) ba Sobrevivente, Irenie Bi-Bui Fatima de Sousa, iha Suku Kairui, Postu Administrativu Laleia, Munisipiu Manatuto.

UMbE entrega) ba Sobrevivente, Irenie tanba nu'udar Vitima ba Violasaun Direitus Umanus Pasadu no agora sai defisiensia fiziku. Uma ho medida 63m³, kompostu hosi kuartu 3, haris fatin I, sala vizita I, no dapur iha parte liur ho medida 7.5m.

Objetivivu entrega UMbE ba Sobrevivente Irenie, atu valoriza no dignifika nia kontribuisaun luta ba ukun rasik-an. No mos nu'udar asaun implementasaun rekomendasaun Chega! kona-ba “Reparasaun ba Vitima”.

Tuir dadus Centro Chega! I.P liu hosi Divizaun Solidariedade ba Reparasaun (DSR) rejistu katak, husi 2021 to'o 2025, Centro Chega! I.P entrega ona Uma Memoria ba Esperansa (UMbE) ba sobrevivente mais vulneravel hamutuk 21.

Antes ne'e, Centro Chega! I.P harii ona UMbE hamutuk 20 ba sobrevivente sira. Iha tinan 2025, Centro Chega! I.P liu husi Divizaun Servisu Reparasaun (DSR) halo tan UMbE 6 ba sobrevivente sira bazea ba rekomendasaun sira husi relatóriu Chega! no PMAS liu-liu ba asuntu reparasaun nian. Divizaun ida ne'ebé responsavel ba programa ida ne'e mak Divizaun Servisu Reparativu (DSR) tanba sira nia servisu mak estabelese programa solidariedade apoiu ba sobrevivente no grupu vulneravel sira ne'ebé hasoru violasaun direitus umanus iha pasadu.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P, *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabelese ho dekretu Lei nº. 48/2016. Centro Chega! I.P nia vizaun mak: “Sosiedade ida ne'ebé inkluzivu, la repete istória passadu nian, moris iha dame, no respeito ba direitus umanu”. Nia misaun mak: “Harri sentru Pós-konflitu ne'ebé prezerva memória passadu nian hodi promove direitus no valór umanu, harri parseria nasional no internasionál hodi reforsa rede servisu sira ba implementasaun rekomendasaun sira husi Relatóriu Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante”.